

PUTRAJAYA: Portal Informasi Pendaftaran dan Pelesenan Perniagaan Setempat (MalaysiaBiz) akan dinaikkan taraf bagi membolehkannya menyediakan perkhidmatan pendaftaran dan pelesenan perniagaan secara dalam talian.

Sebelum ini, komuniti perniagaan perlu mendapatkan perkhidmatan berkenaan daripada pelbagai portal agensi yang berkaitan.

Melalui Portal MalaysiaBiz, urusan pendaftaran dan pelesenan perniagaan kini akan dipermudahkan secara berpusat.

"Melalui gerbang ini, urusan pendaftaran dan pelesenan perniagaan akan dapat dilaksanakan dengan lebih mudah yang sekali gus akan meningkatkan kepuasan pelanggan serta menggalakkan lagi pertumbuhan aktiviti perniagaan dan turut menyumbang kepada daya saing negara.

"Kerjasama pelbagai agensi bagi melaksanakan Portal MalaysiaBiz adalah selari dengan prinsip Strategi Lautan Biru Kebangsaan (NBOS) untuk memberikan perkhidmatan lebih baik dan cekap kepada rakyat. Projek ini akan dilaksanakan selama dua tahun bermula dari 26 Disember 2017 sehingga 25 Disember 2019," katanya.

Portal MalaysiaBiz dilancarkan oleh Perdana Menteri, Datuk Seri Najib Razak pada tahun 2016 dan diluaskan pelaksanaannya ke Sabah dan Sarawak pada tahun lalu.

Portal memaparkan maklumat pendaftaran perniagaan yang meliputi 10 badan pendaftar perniagaan serta maklumat pelesenan yang meliputi 2,919 lesen daripada 508 Pihak Berkuasa Melesen (PBM) di peringkat persekutuan, negeri dan juga Pihak Berkuasa Tempatan (PBT).

Di bawah Pelan Induk Perusahaan Kecil dan Sederhana 2012-2020, MAMPU diberi tanggungjawab untuk menerajui pelaksanaan Program Berimpak Tinggi 1 Perusahaan Kecil dan Sederhana (SME HIP1): Integrasi Pendaftaran dan Pelesenan Perniagaan.

Ia bertujuan untuk meningkatkan kemudahan menjalankan perniagaan. Objektif utama projek adalah untuk mewujudkan satu gerbang tunggal bagi memudahkan urusan pendaftaran dan pelesenan perniagaan.



Keputusan akhir Piala Liga



Pegawai Mahkamah Syariah KL hilang 2 minggu, ditemui selamat



Morais, JDT berpisah



Kedah ronan impian PKNS Robert Kuok jadi kaya



Ekspo Muafakat Kedah mendapat sambutan



Tak perlu lagi bersesak dalam pondok sempit



Pahang dilarang mohon lesen AFC



Untung berjuta tapi tiada lesen



Maklumat sambung pelajaran di Ekspo Muafakat Kedah